

Шин, өөдөн даалгъврмуд

Элст балгъсна „Буратинский“ совхоз агротехническ сән болзгт 4 минъгън 800 гектар намрин тәрә тәрдж, зурагъан 100 процент кӯцәв. Эн совхозин гурвдгч ферм (заведующь ұр Балданов) ұзмджтәгъәр 1200 гектар газрт намрин тәрә тәрв.

Энұнд йилгъән сән кōдлдж, трактористнр ұурмұд Корнусов, Кекенгильджиев болн Марков өдрә кемджәгъән 120—150 процент кӯцәджәв. Совхозин дирекц болн кōдлмшчнрин профсоюзин комитет эднд кесг мōрә өгв.

Намрин тәрә тәрлгънд эн совхозин ах агроном ұр Герасимов бӯрджәмджтә сән кōдлмш кеджәнә.

Зябь эрт хагълхла тер газр намрин хурчиг икәр бийдән шинъгәдж авч, хаврин тәрәнд ик сән зокалта болна, тегәд чигн эн совхоз 3 минъгън 700 гектар зябь хагълх болдж темдглв.

Алдр Октябрьск социалистическ революцин 41-ч джилин өөниг ұзмджтә ұлгұрин кōдлмшәр темдглхмн гидж эдн өөдән даалгъвр авч, ноябрь сарин нег шин кӯртл зябь хагъллгъна зурагъан бӯклднь кӯцәх болв, ұвлд белдлгънә кōдлмш болн хōөнд кōг тәвлгъ цагтнь кӯцәдж, 100 хōн болгънас багъ гихдән 115 хургъ авхин тōлә зӯткдж йовцхана. Хōөчнр Эрдниев болн Польшеев ирх джил зун хōн болгънас 125 хургъ авх болдж даалгъвр авцхав.

Б. БОЛДЫРЕВ.